

山西府縣志輯

中國地方志集成

道光趙城縣志

道光太平縣志（一）

新平縣志
PDG

敘

志難言矣強為之非謬則
俚焉況予少困塵網奔走
者將十年自令茲土地瘠
而衝驛謁之馳文案之累

趙城縣志

序

一

以此言志尤難之難者然
未敢以難謝也邑之志創
於前明邑令賀公國定
國朝秦安兩公繼之犀浦李
氏其最後者也李志作於

乾隆庚辰今六十餘年矣
地理之沿革營驛之更改
風俗人物之流傳其可攷
而知者已十遺四五及今
不為後之人更安所藉手

趙城縣志

序

二

丙戌春乃命邑人訪求近
日之人與事以畀予暇輒
取而筆之嗣是或駐馬郵
亭或肩輿隴上隨時採錄
久而成編藁甫就邑人以

剗剗請遂稍次其先後并
綴數語於簡端覽斯志者
正其俚與謬之失而毋笈
予之強為其難則幸矣
道光七年歲次丁亥九月

趙城縣志

序

三

知邑事長沙楊延亮書



原序

夫志記也所以紀事實備觀覽昭勸懲也諸省及郡邑咸
有志卽古之列國史官室城池職官之類山川陵谷險夷
之處地里輿圖廣狹之制戶口田土錢穀多寡之數人才
所出物類所產風俗之美惡好尚之同異靡所不載政之
大務也孔子言夏禮謂杞不足徵以典籍不存也蕭何入
秦先收圖籍可謂知大計矣壬戌歲予尹是邑詢及志皆
曰已爲斷簡竊憂之乃與教諭王君念搜於零落之餘稿
成將付諸梓適予遷知臨汾未遑也乃遣俸金屬王趙二

趙城縣志

原序

廣文成之岐山賈君經繼王君來復屬校正差訛刪益繁
缺焉是歲冬王趙二君幕友林君各捐資鳩梓人於肆供
其餽廩程其工能次年三月告竣其綱凡八其目凡六十
有二披卷之餘趙之山川形勝土田戶口人才政事風俗
好尚盡在目中矣夫志豈徒載生斯土者觀之必曰古有
哲人名昭史冊風氣之所鍾也今山川之勝如故也吾生
同其地豈可甘於暴棄草木同朽乎蓋必有感發興起如
商紀諸公者矣官斯土者觀之必曰前有循吏聲聞古今
政教之所致也今人民之眾如故也吾官同其地豈可保

持祿位庸碌無聞乎蓋必有感發興起如董尹諸公者矣
夫志豈徒哉於是衆公事之暇招諸士進曰志已成矣曷
敘諸因述其顛末於簡端云嘉靖四十五年正月獲嘉賀
國定序

趙城縣志

原序

二

原序

龍飛二載上元前兩日奉

命芻牧茲土問邑志僉曰無存矣夫志之爲書紀往蹟而示
來茲志缺則歷代因革無憑稽覈予弗敏承斯邑之乏將
奚所持循以爲撫土安民計乎自夏徂秋訪咨殆遍或索
諸宦裔之家藏或得之諸生之手錄年餘始得彙而成帙
政餘省覽輿圖之廣狹風俗之淳漓爵秩之崇卑歷代互
有推移固無庸輕擬筆削惟是寬徭薄賦拔茅集征廼
聖主浩蕩之新恩當敬謹纂入俾家喻戶曉以振遺黎遂不

趙城縣志

原序

三

避讓陋補新型之未載循舊章於既疏其諸宮宇圯廢壇
廟傾欹工鉅費繁當鴻雁甫定之時未敢遽商興作然自
茲以往生齒由耗而蕃人文由衰而盛遯斯地者必有煥
乎改觀之英傑蒞斯治者亦必有更始恢廓之令猷乘舒
長之化日其輯偏救弊又非醴雞夏蟲之識所可計也則
予今日補脩之隱衷有志而未逮者庶幾其少慰乎若夫
山川之秀麗才望之貞烈發之詩辭而形之詠歌者實未
敢謬爲續貂以貽弄斧之誚也己順治二年十一月遂陽
秦嘉兆序

原序

縣之有志由來尚矣山川之形勝英賢之崛起與夫賦稅多寡戶口登耗風俗淳漓上下千古犁然俱備觀風問俗者一披覽焉瞭如指掌後之君子景企前哲得以追模觀型志顧不重哉雖然其在篇殘簡斷之時懿行榮名往往衰闕則賴有脩明之人至於明備之日文獻昭著必欲復加校訂焉不幾爲贅疣與不知山川如故風會日移後之視今猶今視昔苟其風氣有必開之先雖雲物川岳亦騰光氣而況節義時存士夫三代不絕閭閻者乎若然則志

趙城縣志

原序

四

又安可以不脩哉予初任茲邑甫下車見夫凋敝之後民雖貧苦而生齒猶不至虛耗且其人皆敦本力田樸簡相安穆然見唐風之遺焉迨至春秋躬祀先哲瞻仰遺祠如藹相如豫讓樊噲紀信諸賢莫不俯仰浩歎慨然想見其爲人唯時邑紳士輩屢以增補志書爲請予因固陋兼以枵腹之材值衝疲孔道諸務縶集日每飲冰茹蘗執掌簿書拮据不遑謝不敏者再四已亥歲兩蒙府檄取縣志舊載所未備予因旁求紳士採集成帙而更得博學介眉公董其事凡一端之善不敢或泯務期名必當實足爲世道

人心所嘉賴外是而粉飾華詞文雖爾雅攢弗錄焉事域邑之紳士又進而謀曰若者既載入府志矣而縣志不可使闕畧不備予應之曰是也是役也特以補前之所未備非敢曰塗飾丹青踵事增華爲也至於風氣衆而日厚人文積而必宜今人不讓古人後人尤不讓今人則生此地者流連往哲濯磨自勵當不止觀型追模已也予且夕就道閱歷四載幸免罪戾因紀事之始末附於簡端云順治十六年章印安錫祚序

趙城縣志

原序

五

原序

劉知幾以作史貴擅三長志與史相表裏雖所書山川都邑人物風土不必盡如史之編年紀月也然亦無非記事記言本紀傳而稱實錄則所謂三長若才若學若識者或一缺焉謝不敏矣在趙則更有五難焉袁松之言五難謂煩而不整俗而不典書不實錄賞罰不中文不勝質固已邑志自

國朝順治十六年安君錫祚脩輯以來越今百餘年無論簡編殘缺摸稜不可識觀其敘言及所輯各類由明之季趙城縣志

原序

六

兵火頻遭先時故實難徵文獻傳什一於千百亦時會之所值耳不純不備又何譏焉此其難一也昔之典籍既乏考稽今之老成誰與授受徒於空山風雨之餘課虛無以責有叩寂寞以求音此其難二也通志凡例言山西舟楫不通書賈絕跡自來少收藏家趙以茲爾邑諸生講學經史而外博覽無多而名山古蹟之紀載遍諮焉而究無所得僅守殘缺畧事補苴胡爲乎此其難三也趙當南北之衝冠蓋往來馳驅絡繹階既乏三長之具又不獲時承筆研稽典冊冀得鴻儒碩學以助不逮而鄙子落落知交益

寡此其難四也一邑之志一邑之事也經費不下千緡既

無開欸可以動支又未敢以向無成例者冒昧具請此其難五也則所云五難又非直袁松之所言矣階以戊寅三月之杪抵趙邑之紳士卽以纂脩斯志爲言未之許也越明年公具詞以請且言邑有存費以之纂脩邑志俾百年廢墜一旦作興公事孰大焉時郡守秦公過趙階於行館面陳其事蒙許可因城東隅梵宇名紫竹林者開館焉縉紳耆舊各董厥事初呈稿於秦公并請敘奉諭邑之志賢令事也可不列府廳銜名毋須敘階不敢更有請開雕於

趙城縣志

原序

七

己卯十月朔日訖工於庚辰八月望日凡三百旬有五日書凡二十四卷爲類五十有一首末不計焉嗟嗟階乏三長更承五難邑之賢士大夫不憚風雨寒暑蚤作夜思以助予不逮者實繁有徒而公項不敷尙三之一未敢更問之襄事乃捐清俸以償焉階思我

朝開國以至於今重熙累洽治化彰明山川靈異益騰光怪其中人文蔚起忠義奮興下及葭屋茆簷匹夫匹婦繩樞甕牖徒步單寒凡沐浴教化觀感中和而爲孝子悌弟義夫節婦者書之不勝書也非是舉也將潛德幽光若滅若

沒其何以輝煌至治而見窮鄉僻壤潛移默化於不自知乎我

皇上聖神文武御極二十五年文教之所漸摩武衛之所奮發俱運以聰明睿知之德使玉關二萬里外盡入版圖亘古未有之勳一朝者定

命使周旋多經下邑而陵廟祭告若女媧若中鎮在茲邑者均得敬謹登載承乏微員駿奔執事亦邀名籍又不特邑人之幸矣故不辭謫陋拜手稽首而颺言焉乾隆二十五年成都李升階序

趙城縣志

原序

八

同脩姓氏

分校

趙城縣

教

諭王繁祚

趙城縣

訓

導弓佩殺

督工

趙城縣

典

史章際清

採訪

州

同賈世芳

王步周

趙城縣志

姓氏

分發 貴州候補府經歷劉毓楠

張式銘

武

舉郭滿笏

樊彥炳

千

總處 恪

張攀桂

衛厥職

晉人俊

貢

生賈時中

衛殿廳

王仰曾

李清姿

王世基

生衛拜颺

監

生趙大用

任崇德

衛勤

段珩

趙城縣志

姓氏

二

繕寫

庠

生楊恩魁

童

生郭維昀

張世揚

校對

童

生王遐格

張文舉

承辦

禮

書張上達

工

書吉高登

趙城縣志

姓氏

二

原脩姓氏

楊二億平陸恩貢 允善裁本縣訓導 邵宏遠順天本張

廣威平陽人本縣教諭 張明舉人雲南 劉臺舉人湖南 張聰舉人襄垣

鄭相武武舉 閻之相守禦所 衛鈞賈景誼王廷詩張博衛裕

源楊澎楊大任劉海晉居義閭煥杜汝梅張行敏劉翹翼

貢以上 衛集發劉高第衛境王種英申中一賈好德賈遵謨

王遴元衛鳳池湯以緩王攀龍湯起龍湯元龍盧洸王純

道衛據理衛翼賢王嘉德衛景琰張夢鰲張澄清王種傑

高壘盧鵬郭鳴成郭夏鼎周成玉賈學江衛秉德劉佩智

趙城縣志 姓氏 四

李成蹊賈鎰劉詒衛官賢喬聚英衛天福劉鵬張遇申楊

于都王璿張夢瑞王嘉誥以上 衛之堂張扶賈紹誼張廣

李呈秀張夢飛劉爾康楊桂籍班秩衛坤張恂史記以上

王爾楨張夢賚衛又琰張天秩以上 童生

趙城縣志總目

長沙楊延亮纂著

卷之首 志議

卷之一 圖考

卷之二 沿革

卷之三 星野

卷之四 山川

卷之五 城池

卷之六 坊里

卷之七 署解

卷之八 驛舖

卷之九 營汛

卷之十 津梁

卷之十一 水利

卷之十二 倉儲

卷之十三 賦役鹽法附

卷之十四 學校

趙城縣志 總目

卷十五 學校

卷十六 學校

卷十七 學校 書院 義學 附

卷十八 風俗 方言 附

卷十九 物產

卷二十 職官上

卷二十一 職官下

卷二十二 科目上

卷二十三 科目下

趙城縣志 總目 二

卷二十四 仕籍上

卷二十五 仕籍下

卷二十六 封廕

卷二十七 壇廟

卷二十八 古蹟

卷二十九 陵墓

卷三十 列傳 宦 精

卷三十一 列傳 人物

卷三十二 列傳 列女

卷三十三 藝文

卷三十四 藝文

卷三十五 藝文

卷三十六 雜記上

卷三十七 雜記下

趙城縣志 總目 三

趙城縣志卷之首

志議

他志皆首沿革今首疆域何也曰疆域沿革因之具焉者也且

國制也考各史地理志書郡縣名悉從制其下注曰故名某某年更名某年來屬某分置某省入皆言沿革也有倒置者乎吾從先進矣

星野後疆域有據乎曰據漢書且星野亦緣疆域而見者也觀天之文即因地之利志星野而山川次之又天地定

趙城縣志卷之首

志議

位之說也

繼此將奚及曰量地以制邑度地以居民城池坊里署廨驛舖營汛津梁可次第稽也他政宜何始曰水利以明農倉儲以備歲皆所以養民也民有養而後國用足次賦役有養必有教次學校合養與教而政成政成於是風俗懋物產滋而人材餘此興焉然皆官倡之也次職官次科目仕籍次封廕而民事備矣成民而致力於神次壇廟而低徊陳迹考證舊聞亦嗜古者所不廢也則古蹟陵墓可備舉焉雖然志盡於此乎曰宦績人物列女均繫以列傳別

於志體矣亦史例也然則藝文何以不先列傳曰各史之

志藝文也第曰某人著某書若干卷而已不載其文也今之藝文志直藝文選耳予未能免俗故於列傳後附之亦曰文辭者忠孝節義所藉以傳者也終之以雜記有說乎曰雜記不得以志名一邑之中逸事異聞爲吾志所未詳者則於雜記備書之以是爲閏餘焉耳

李志易關隘爲形勝今並軼之何也曰關隘形勝皆依山川而見者也且李志所列形勝羅雲營田二堡亂石灘秦王嶺四者而已羅雲營田乃西南二村落亂石灘亦僅地

趙城縣志卷之首

志議

二

之瀕於汾者耳至秦王嶺或云在浮山縣或云在靈石縣而邑實無其地將仍其誤而書之乎是不如其已也

志科目復志仕籍不嫌於複乎曰仕籍有不盡由科目者是以析而二之也

仕籍兼及捐職有據乎曰無之然可自我創也且如漢張釋之黃霸非皆以賞仕者耶可附則附之無庸泥資格以繩之也

李志列趙世家今削之何也曰此李志之謬也有史記在勦說奚尙乎且趙氏自奄父以下已去周如晉趙城第其

先世之封邑耳世家烏乎繫之

他志列傳皆次時代今不然何也曰史記之管晏老莊申韓皆同傳以事相屬者也蘇代之附蘇秦李陵之附李廣以兄弟子姓相屬者也奚必以時代拘乎

名宦易以宦績何也曰名宦古無此稱且亦非易副也其有事蹟可紀者則錄之俟後人之採擇可耳故名之曰宦績也

馬懿宗澤事蹟可紀者眾矣今止數語不嫌畧乎曰予所志者在趙城時事耳其他行事有唐宋史在無貴予之勲

趙城縣志
卷之首 志議

三

說也
舊志分忠烈孝友義俠儒林今統謂之人物何也曰左史傳人物無分類別名之例且忠孝文學皆人物也吾傳中孰爲忠烈孰爲孝友孰爲義俠孰爲儒林覽者自能辨之多標名目爲贅疣矣

傳人物有異往志何也曰以傳聞異辭故

蘭相如樊噲邑中有其子孫今傳人物遺之何也曰二人行事史記漢書詳矣且相如趙人噲沛人與邑無涉也以其子孫在而引而近之則蘭氏樊氏之族所在多有矣二

人者又豈得專爲一邑之人物哉

傳有詳有畧何也曰古史之傳人物也或舉數事而其人見或舉一事而其人亦見不以詳畧異也若舊志中有其名甚美其事無徵者則於雜記存之未悉其人不致傳亦不敢載也

節孝大矣不皆爲立傳何也曰事蹟著者傳之無事蹟而姓氏見於往志者錄雜記上得之近日者錄雜記下俟後人之補傳也

舊志有賢媛節烈節孝等名今統謂之列女何也曰其例趙城縣志
卷之首 志議

四

視人物
舊志藝文入伯卿雲歌擊壤歌漁者對智伯瑤藏山祠記等篇今何以不錄曰非邑之藝文也



舊志有漳浦南漳趙州三先生傳今何爲不載也曰人物之可傳者已入列傳矣

雜記列舊志山川人物等條不似重出乎曰凡舊志所云云皆吾志所未詳者非重出也



晉省各志將奚取曰予未徧觀也已見者王茂正臨晉志孫嘉謨汾州志王志以簡古勝孫志以淵博勝皆一時巨





學宮圖



書院圖





霍山圖



趙城縣志卷之一

疆域

縣境東西廣一百里南北袤四十五里

東至岳陽縣治九十五里

三里沙橋莊又五里侯村又十二里聖王頭又三里閭

家莊又十里石門峪又五里喝石庵又十五里棋盤坡

又七里井坪岳陽縣界又三十五里岳陽縣治

西至蒲縣治一百三十里

五里李村又五里曹家莊又五里黃村又五里鄧裏村

趙城縣志卷之一 疆域

又十里樓村又十里羅雲村又五里菩薩寺又五里沙

窰又五里孔家坡蒲縣界又八十里蒲縣治

南至洪洞縣治三十里

五里古屯村又五里楊堡莊又五里上紀落村又三里

北玉村又二里侯家堡又二里苗村洪洞縣界又十里洪洞

縣治

北至霍州治五十里

五里崔子鎮又五里衛店舖又五里原上村又五里盆

昌舖又五里盆澗坡又五里辛置舖霍州縣界又二十里霍

州治

東南至浮山縣治一百五十五里

四里王家磨又六里永樂公館又六里董村又二里胡

坦村又二里明姜村又二里師屯村又二里太棘村又

二里孔家崖又二里後河頭又二里南家莊又二里黃

堡又四里柴村又四里道覺村又十五里郭棚洪洞縣界又

二十里五馬嶺岳陽縣界又四十里楊村河浮山縣界又三十里

浮山縣治

西南至吉州治二百八十五里

趙城縣志卷之一 疆域

五里好義村又五里安定村又三里登臨村又十里步

定村又七里燒瓦莊又三里萬村洪洞縣界又二十二里黃

村臨汾縣界又四十八里狄家河蒲縣界又三十五里堯衢鎮

吉州界又一百一十里吉州治

東北至沁源縣治一百四十五里

五里辛莊村又五里耿峪村又十里池村又十里崔

院上又五里杏溝村又二十里大嶺又五里石圪磊岳陽縣界又

五十五里三鵬裏沁源縣界又三十里沁源縣治

西北至汾西縣治八十五里